



Pranuar / Doretuar Priljenj / Prodato Received / Delivery	05.07.2023	3 viti god year	
Organ / Njesia Organ / Jedinica Org. / Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKIMSHKIC	5026/2023		1/4



Republika e Kosovës  
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.784/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave i përbërë nga: Malsore Gashi Bajraktari- kryetare Eshref Shabani, dhe Jeton Koca-anëtarë, si dhe Ilire Mehmeti-Shaqiri -Zyrtare e Lartë për Bashkëpunim Profesional në cilësinë e procesmbajtëses, ka shqyrtuar ankesën me numër A.nr.784/2023, të datës 26.05.2023, të parashtruar nga ankuesja \_\_\_\_\_ nga \_\_\_\_\_ kundër Shërbimit Korrektues të Kosovës, në çështjen administrative-juridike “Kompensim material”, duke vepruar në pajtim me nenin 6 paragrafin 1 nën paragrafin 1.1 ,nenin 16 paragrafi 3, nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës në seancën për këshillim dhe votim, të mbajtur më datë 05.07.2023, mori këtë:

V E N D I M

REFUZOHET si e pa bazuar ankesa me numër A.nr.784/2023 e datës 26.05.2023, e parashtruar nga ankuesja \_\_\_\_\_

A r s y e t i m

Ankuesja \_\_\_\_\_ e punësuar në pozitën “Udhëheqës e Njesisë për Punë Juridike dhe të Përgjithshme” në Qendrën Korrektuese ne Lipjan me datë 26.04.2023, ka parashtruar kërkesë tek organi i punësimit respektivisht në Shërbimin Korrektues të Kosovës për kompensimin e një page shtesë me rastin e vdekjes së anëtarit të ngushtë të familjes (nënës). Ndërsa përmes emailit të datës 10.05.2023 organi i punësimit i është përgjigjur se kërkesat e natyrës se njëjta janë procedurë për Ekzekutim në Thesarin e Kosovës, mirëpo të njëjtat nuk janë ekzekutuar me arsyetim citoj sqarimin nga zyrtari i Thesarit “ Kompensimet te cilat i keni sjell për rastet e vdekjes se anëtarit te ngushte te familjes pas hyrjes së ligjit të ri të pagave nuk kompensohen”.

Ankuesja e pakënaqur me përgjigjen e datës 10.05.2023 të Menaxherit të Burimeve Njerëzore në Shërbimin Korrektues të Kosovës lidhur me mos realizimin e kompensimit të një pagë bazë me rastin e vdekjes së anëtarit të ngushtë të familjes, me datën 26.05.2023 ka parashtruar ankese me numër të protokollit 4483/2023 në Këshillin e Pavarur Mbikëqyrës për Shërbim Civil të Kosovës, me pretendim, se njoftimi i Menaxheres së Burimeve Njerëzore në Shërbimin Korrektues të Kosovës është në kundërshtim me të drejtat e personelit në Shërbimin korrektues të Kosovës të përcaktuara me nenin 29 paragrafi 1 me nenin paragrafin 1.3 (e drejta në shtesë të një page baze në rastin e vdekjes së anëtarit të ngushtë të familjes) në Ligjin nr.80/L-131 për Shërbimin korrektues të Kosovës.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, me datë 30.05.2023 ka dërguar kërkesën për përgjigje në ankesë të ankuesit tek Njësia për Menaxhimin e Burimeve Njerëzore në Shërbimin Korrektues të Kosovës. Ndërsa Këshilli me datë 31.05.2023 ka pranuar përgjigjen në ankesë së bashku me shkresat e bashkangjitura të lëndës.

**Kolegji për shqyrtimin dhe vendosjen e ankesave me rastin e shqyrtimit të kësaj ankese ka administruar këto prova:** Ankesën me numër të protokollit 4483/2023 të datës 16.05.2023 të parashtruar nga ankuesja në Këshillin e Pavarur Mbikëqyrës për Shërbim Civil të Kosovës; Emalin e datës 10.05.2023 të drejtuar ; Emalin e datës 05.05.2023 të drejtuar ; Emalin e datës 26.04.2023 të drejtuar ; Kërkesën për përgjigje në ankesë të datës 30.05.2023; Përgjigjen në ankesë të datës 31.05.2023; Akt emërimit me numër A.E.Nr.007/2022 të datës 19.04.2022; Certifikatën e vdekjes të datës 19.03.2023; Deklaratën për bashkësi familjare nën shenjen F 11522049 të datës 26.04.2023; Certifikatën e Lindjes nën shenjen L 25140547 të datës 26.04.2023; Kërkesën e datës 26.04.2023; Emalin e datës 30.05.2023 të drejtuar Emalin e datës 10.05.2023 të drejtuar Emalin e datës 05.05.2023 të drejtuar

Kolegji për shqyrtimin e ankesave, për vendosjen e kësaj çështjeje ka shqyrtuar shkresat e lëndës të parashtruara nga palët dhe ka konstatuar se ankesa e ankuseses është e pa bazuar, sepse:

Kolegji për Shqyrtimin dhe Vendosjen e Ankesave konstaton se ankuesja me datë 26.04.2023, ka parashtruar kërkesë tek Menaxheri i Burimeve Njerëzore në Shërbimin Korrektues të Kosovës për kompensimin e një page shtesë me rastin e vdekjes së anëtarit të ngushtë të familjes (nenës). Ndërsa si dëshmi ankuesja ka ofruar certifikatën e lindjes për të ndjerën (nenën) të datës 26.04.2023, Deklaratën e bashkësisë familjare nën shenjen F 11533049 të datës 26.04.2023 si dhe Certifikatën e vdekjes të për të ndjerën (nenën) të datës 12.04.2023 me të cilën dëshmohet se nëna i ka vdekur me datën 19.03.2023.

Lidhur me shqyrtimin e pretendimeve ankimore për kompensimin e në pagë bazë bazuar në nenin 29 paragrafi 1 nën paragrafi 1.3 të Ligjit 08/L-131 për Shërbimin Korrektues të Kosovës me rastin e vdekjes së anëtarit të ngushtë të familjes, Kolegji i Këshillit ka analizuar bazën mbi të cilën është parashtruara ankesa përkatësisht dispozitat e nenit 29 të Ligjit Nr.08/L-131 për Shërbimin Korrektues të Kosovës i zbatueshëm nga data 23.08.2022 me të cilat është përcaktuar se: "1. Përveç të Drejtave që janë të përcaktuara me Ligjin për Zyrtarët Publikë dhe Ligjit të Punës, personeli i SHKK-së ka edhe këto të drejta dhe detyrime specifike: 1.1. e drejta e shtesës së rrezikshmërisë mbi pagë: 1.1.1. personeli i

SHKK-së për shkak të ekspozimit ndaj rrezikut të lartë dhe të drejtpërdrejt me të burgosur me rrezikshmëri të lartë dhe shumë të lartë, dënim dhe dënim të përjetshëm, sëmundje infektive çrregullime mendore, ekspozimit rrezikut gjatë përcjelljes së të burgosurit jashtë institucionit korrektues, gëzon shtesë mbi page për rrezikshmëri në punë;. kategorizimi i personelit të SHKK-së që përfiton shtesë mbi pagë për rrezikshmëri do të rregullohet me akt nënligjor të nxjerr nga Ministri i Drejtësisë. 1.2. e drejta e pagës jubilarë: 1.2.1. personeli i SHKK-së gëzon të drejtën e një page jubilarë për çdo dhjetë (10) vite përvojë pune të pandërprerë në vlerë të një page bazë. 1.3. e drejta në shtesë të një page bazë në rast të vdekjes së anëtarit të ngushtë të familjes; 1.4. e drejta e një shujte ditore: 1.4.1. personeli i SHKK-së gjatë kryerjes së detyrës zyrtare e gëzon të drejtën e një shujte ditore; 1.4.2. vlera e shujtës ditore përcaktohet me vendim të Drejtorit të Përgjithshëm. 1.5. e drejta në kompensim për vdekje në detyrë apo në kryerje të detyrës. 1.5.1. SHKK paguan shpenzimet e ceremonisë së varrimit për personelin e SHKK-së që vdesë gjatë kryerjes së detyrës apo që ndërlihet me detyrën zyrtare. Vendvarrimi do të caktohet nga anëtarët e familjes”.

Me hyrjen në fuqi të Ligjit Nr.08/L-196 për Pagat në Sektorin Publik ( i zbatueshëm nga data 05.02.2023), konkretisht me nenin 45 është shfuqizuar çdo dispozitë ligjore e është në kundërshtim me dispozitat e këtij ligji e që i referohen çështjes së pagës, kompensimeve, shtesave, shpërblimeve apo kategorie tjetër në fushën e pagave, rrjedhimisht me hyrjen në fuqi të Ligjit Nr.08/L-196 për Pagat në Sektorin Publik janë shfuqizuar edhe dispozitat e Ligjit Nr.08/L-131 për Shërbimin Korrektues të Kosovës të cilat rregullojnë çështjen e pagave dhe kompensimeve të personelit korrektues dhe si të tilla janë të pa zbatueshme.

Ndërlidhur me konstatimin si me sipër Kolegji i'u referuar edhe nenit 1 të Ligjit Nr.08/L-196 për Pagat në Sektorin Publik me të cilin është përcaktuar se: **Qëllimi i këtij ligji është që të krijojë një sistem të njëtrajtshëm të pagave në sektorin publik që përfshin parimet dhe rregullat për përcaktim të pagës në sektorin publik si dhe të krijojë një sistem të pagave dhe shpërblimeve, transparent dhe të menaxhueshëm ku elementi kryesor është paga bazë**, si dhe nenit 2 të të njëjtit ligji i cili parasheh se: “Ky ligj zbatohet për të punësuarat/it në sektorin publik pagat e të cilave/ëve financohen nga dhe përmes buxhetit të shtetit, përjashtimisht Agjencisë Kosovare për Inteligjencë. 2. Rregullat dhe kushtet për përcaktimin e pagës të të punësuarave/ëve në sektorin publik janë ekskluzivisht rregullim i këtij ligji dhe mund të rregullohen edhe me akte të tjera nënligjore, vetëm kur parashihet shprehimisht nga ky ligj. 3. Për nëpunëset/it në Presidencën e Republikës së Kosovës, Gjykatën Kushtetuese të Republikës së Kosovës, Sistemin e Drejtësisë, Kuvendin e Republikës së Kosovës, dhe institucionet e pavarura kushtetuese, ky ligj zbatohet për atë sa nuk cenon pavarësinë e tyre funksionale dhe organizative të garantuar me Kushtetutë, andaj, nisur nga ky përcaktim ligjor Kolegji i Këshillit vlerëson se Ligji Nr.08/L-196 për Pagat në Sektorin Publik ka vendosur rregulla unike lidhur me pagat dhe kompensimet për të gjithë të punësuarit në sektorin publik (përjashtimisht institucionit të Agjencisë Kosovare të Inteligjencës), duke u bazuar në parimet e ligjshmërisë, barazisë, dhe mos diskriminimit si dhe transparencës, kështu që tashmë me Ligjin Nr.08/L-196 për Pagat në Sektorin Publik, nuk parashihet një kompensim i kësaj natyre me rastin e vdekjes së anëtarit të ngushtë të familjes, dhe referuar kësaj baze të re ligjore, Thesari i Kosovës me të drejtë dhe bazuar në legjislacionin e potencuar si më lartë ka njoftuar Njësinë për Menaxhimin e Burimeve Njerëzore të Shërbimit Korrektues të Kosovës se pas hyrjes në fuqi të Ligjit Nr.08/L-196 për Pagat në Sektorin Publik këto shtesa nuk kompensohen, andaj Kolegji i Këshillit konstaton se çdo realizim i pagave dhe kompensimeve jashtë rregullimit ligjor të Ligjit Nr.08/L-196 për Pagat në Sektorin Publik bie ndesh me dispozita ligjore të të njëjtit ligj, kështu që mbi këtë bazë Kolegji konstaton se pretendimi ankimor i ankueses për kompensimin shtesë të një page bazë në rast të vdekjes së anëtarit të ngushtë të familjes, është e pa bazuar dhe si e tillë nuk ka mbështetje ligjore.


Nga ajo që u tha si më lartë, Kolegji për Shqyrtimin dhe Vendosjen e Ankesave në mbështetje të nenit 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij Vendimi.

Vendimi hyn në fuqi ditën e nënshkrimit nga Kryetarja e Kolegjit.


**Këshillë juridike:** *Kundër këtij vendimi, pala e pakënaqur mund të iniciojë konflikt administrativ në Gjykatën Themelore në Prishtinë – Departamenti për Çështje Administrativ, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.*

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
Lënda me numër A.nr.784/2023

**Ilire-MEHMETI-SHAQIRI**

  
Procesmbajtëse

**Malsore GASHI-BAJRAKTARI**

  
Kryetare e Kolegjit

**Vendimi i dorëzohet:**

- Ankueses
- Drejtorit të Përgjithshëm në Shërbimin Korrektues të Kosovës;
- Udhëheqësit të Njesisë së Burimeve Njerëzore në Shërbimin Korrektues të Kosovës; dhe
- Arkivit të KPMSHCK-së.